

CONTRATAÇÃO E ASUNTOS XERAIS

MLA/atm

Ref^o: pregos subministración cabina calidade do aire

Asunto: pregos subministración cabina calidade do aire

PREGO DE CLÁUSULAS ADMINISTRATIVAS PARTICULARES QUE REXERÁ NA CONTRATACIÓN DUNHA CABINA DE CALIDADE DO AIRE PARA O CONTROL DA CALIDADE DE NIVEIS DE INMISION DO AIRE NO CONCELLO DE LUGO

PRIMEIRA. OBXECTO DO CONTRATO

É obxecto deste contrato a subministración dunha cabina de calidade do aire para o control da calidade de niveis de inmisiones do aire no concello de Lugo, todo iso segundo as características sinaladas no prego de condicións técnicas elaboradas polo enxeñeiro de montes do Servizo Municipal de Medio Ambiente.

O presente contrato contén a seguinte codificación segundo a nomenclatura da Clasificación Nacional de Productos por Actividades 1996 (CNPA-1996):

33.2 - INSTRUMENTOS E APARATOS DE MEDIDA, VERIFICACION, CONTROL, NAVEGACION E OUTROS FINS, AGÁS EQUIPOS DE CONTROL DE PROCESOS INDUSTRIAIS –

33.20 - Instrumentos e aparatos de medida, verificación, control, navegación e outros fins, agás equipos de control de procesos industriais -

33.20.1 - Instrumentos e aparatos de navegación, meteoroloxía, xeofísica e áreas análogas 482a -

CPV.- 33210000-5 Instrumentos e aparatos de navegación, meteoroloxía, xeología e xeofísica

SEGUNDA. NATUREZA E RÉXIME XURÍDICO DO CONTRATO

Trátase dun contrato de subministración recollido e regulado no artigo 12 da LCSP, e que ten por obxecto a subministración dunha cabina de calidade do aire para o control da calidade de niveis de inmisiones do aire no concello de Lugo, todo iso segundo as características sinaladas no prego de condicións técnicas elaboradas polo enxeñeiro de montes do Servizo Municipal de Medio Ambiente.

Para a lexislación aplicable, deberán terse en conta as seguintes disposicións:

- Lei 7/1985, do 2 de abril, reguladora das bases do réxime local (LRBRL).

CONTRATAACION E ASUNTOS XERAIS

MLA/atm

Ref^o: pregos subministracion cabina calide do aire

Asunto: pregos subministracion cabina calidade do aire

- Real decreto lexislativo 781/1986, do 18 de abril, polo que se aproba o Texto refundido das disposicións legais vixentes en materia de réxime local (TRRL).
- Lei 5/1997, do 22 de xullo, de Administración local de Galicia (LALG).
- Lei 30/2007, do 30 de outubro, de contratos do sector público (LCSP)
- Real decreto 1098/2001, do 12 de outubro, polo que se aproba o Regulamento xeral da Lei de contratos das administracións públicas (RXLCAP).
- Lei 31/1995 do 8 de novembro de prevención de riscos laborais (LPRL) e os seus regulamentos.
- Calquera outra disposición legal vixente que lle sexa de aplicación ás corporacións locais.

O órgano de contratación, conforme o disposto no artigo 194 da LCSP e dentro dos límites e con suxeición ós requisitos e efectos sinalados nese texto legal e no resto da lexislación vixente, ten as prerrogativas de interpretar o contrato administrativo, resolver as dúbidas que presente o seu cumprimento, modificalo por razóns de interese público, acadar a súa resolución e determinar os seus efectos da mesma.

Expresamente faise constar que no caso de existir algunha discrepancia entre os pregos de prescricións técnicas e o previsto neste prego de cláusulas administrativas, prevalecerá este último.

TERCEIRA. PRAZO DE EXECUCIÓN

O prazo máximo para a execución deste contrato será de TRES MESES dende a data de formalización do contrato administrativo, sen perxuízo do prazo ofertado polos licitadores.

Este prazo inclúe que todo o subministro debe estar entregado, instalado correctamente, e en funcionamento operativo.

CUARTA. PREZO DO CONTRATO

O valor estimado do contrato é de 86.206,90 € , polo que aplicado o 16% IVE o presuposto total ascende a 100.000 euros. Non obstante o prezo do contrato será o ofertado polos licitadores nas súas proposicións.

Faise constar a existencia de consignación orzamentaria na partida 4450.62309 do orzamento xeral de 2009

CONTRATAACION E ASUNTOS XERAIS

MLA/atm

Refⁿ: pregos subministracion cabina calide do aire

Asunto: pregos subministracion cabina calidade do aire

Dada a duración do contrato, non procederá a revisión de prezos.

QUINTA. PROCEDEMENTO E FORMA DE ADXUDICACIÓN. CAPACIDADE DE LICITAR

Este contrato adxudicarase polo procedemento aberto , previsto e regulado polos artigos 122, 141 e seguintes da LCSP.

Están facultados para tomar parte na licitación e contratar con este Excmo. Concello as persoas naturais ou xurídicas, españolas ou estranxeiras, que teñan plena capacidade de obrar, non estean incursas en prohibición de contratar, e acrediten a súa solvencia económica, financeira e técnica e profesional segundo o establecido nos artigos 43 e seguintes da LCSP.

Ademais das condicións xerais esixidas pola Lei, a empresa adxudicataria deberá dispoñer dunha organización con elementos persoais e materiais suficientes para a debida execución do contrato.

Os empresarios deberán contar, así mesmo, coa habilitación empresarial ou profesional que, de ser o caso, sexa esixible para a realización da actividade ou prestación que constitúa o obxecto do contrato.

Poderán, así mesmo, presentar proposicións as unións de empresarios que se constituán temporalmente de conformidade co artigo 48 da LCSP. Cada un dos empresarios que compoñen a agrupación deberá acreditar a súa capacidade de obrar e a súa solvencia económica, financeira e técnica ou profesional, coa presentación da documentación a que fan referencia as cláusulas seguintes, e deberán indicar en documento privado os nomes e circunstancias dos empresarios que subscriban, a participación de cada un deles e a persoa ou entidade que, durante a vixencia do contrato, posuirá a plena representación ante a administración, e que asumen o compromiso de constituírse en unión temporal de empresas. O citado documento deberá estar firmado polos representantes de cada unha das empresas compoñentes da unión.

SEXTA. CRITERIOS DE SOLVENCIA ECONÓMICA, FINANCEIRA E TÉCNICA

6.1.-A xustificación da solvencia económica e financeira deberá acreditarse por un ou varios dos medios seguintes:

a) Declaracións apropiadas de entidades financeiras ou, se é o caso, xustificante da existencia dun seguro de indemnización por riscos profesionais.

CONTRATAÇÃO E ASUNTOS XERAIS

MLA/atm

Refⁿ: pregos subministración cabina calidade do aire

Asunto: pregos subministración cabina calidade do aire

- b) Contas anuais presentadas no Rexistro Mercantil ou no Rexistro oficial que corresponda. Os empresarios non obrigados a presentar as contas en rexistros oficiais poderán achegar, como medio alternativo de acreditación, os libros de contabilidade debidamente legalizados.
- c) Declaración sobre o volume global de negocios e, se é o caso, sobre o volume de negocios no ámbito de actividades correspondente ó obxecto deste contrato, referido como máximo ós tres últimos exercicios dispoñibles en función da data de creación ou do inicio das actividades do empresario, na medida en que se dispoña das referencias do dito volume de negocio.

Se por razóns xustificadas un empresario non pode facilitar as referencias solicitadas, poderá acreditar a súa solvencia económica e financeira por calquera outra documentación considerada como suficiente pola Administración.

6.2 A solvencia técnica poderá ser xustificada por un ou varios dos medios seguintes:

- a) Relación das principais subministracións realizadas nos últimos tres anos que inclúa o importe, datas e o destinatario, público ou privado, deles. As subministracións efectuadas acreditaranse mediante certificados expedidos ou visados polo órgano competente, cando o destinatario sexa unha entidade do sector público, ou cando o destinatario sexa un suxeito privado, mediante un certificado expedido por este, ou, a falta deste certificado, mediante unha declaración do empresario.
- b) Indicación do persoal técnico ou das unidades técnicas, integradas ou non na empresa, participantes no contrato, especialmente aqueles encargados do control de calidade.
- c) Descrición das instalacións técnicas, das medidas empregadas polo empresario para garantir a calidade e dos medios de estudo e investigación da empresa.
- d) Control efectuado pola entidade do sector público contratante ou, en nome deste, por un organismo oficial competente do Estado no que estea establecido o empresario, sempre que medie acordo do devandito organismo, cando os produtos para subministrar sexan complexos ou cando, excepcionalmente, deban responder a un fin particular. O control versará sobre a capacidade de produción do empresario e, se fose preciso, sobre os medios de estudo e investigación de que dispoña e sobre as medidas de control de calidade.

CONTRATAÇÃO E ASUNTOS XERAIS

MLA/atm

Ref^o: pregos subministración cabina calidade do aire

Asunto: pregos subministración cabina calidade do aire

- e) Mostras, descrições e fotografías dos produtos para subministrar, cuxa autenticidade poida certificarse a petición da entidade do sector público contratante.
- f) Certificados expedidos polos institutos ou servizos oficiais encargados do control de calidade, de competencia recoñecida, que acrediten a conformidade de produtos perfectamente detallada mediante referencias a determinadas especificacións ou normas.

SÉTIMA. GARANTÍAS.

Os licitadores terán a obriga de presentar o xustificante de constitución dunha garantía provisional por importe de **2.586,21 euros**.

O licitador que resulte adxudicatario provisional virá obrigado a constituír unha garantía definitiva dun 5% do importe de adxudicación, excluído o IVE, no prazo máximo de 15 días hábiles contados a partir da notificación da adxudicación provisional. De non se cumprir este requisito por causa imputable ó adxudicatario provisional, o Concello declarará decaída a adxudicación provisional ó seu favor, e será de aplicación o disposto no artigo 135.4 LCSP.

As garantías poderán prestarse nalguna das formas sinaladas no artigo 84 LCSP, isto é:

- a) En efectivo ou en valores de debida pública, con suxeición, en cada caso, ás condicións establecidas na LCSP e normas de desenvolvemento.
- b) Mediante aval, prestado na forma e condicións que establezan as normas de desenvolvemento da LCSP, por algún dos bancos, caixas de aforro, cooperativas de crédito, establecementos financeiros de crédito e sociedades de garantía recíproca autorizados para operar en España, que deberán depositarse nos establecementos sinalados no artigo 84.1.a) da LCSP.
- c) Mediante contrato de seguro de caución celebrado cunha entidade aseguradora autorizada para operar no ramo. O certificado de seguro deberá entregarse nos establecementos sinalados no artigo 84. 1. a) da LCSP.

Se a mesma garantía provisional se constituíse en metálico ou valores, será potestativo para o adxudicatario aplicar o seu importe á garantía definitiva ou proceder á nova constitución desta última. Neste suposto deberá ser cancelada a garantía provisional simultaneamente á constitución da garantía definitiva.

CONTRATAÇÃO E ASUNTOS XERAIS

MLA/atm

Refª: pregos subministración cabina calidade do aire

Asunto: pregos subministración cabina calidade do aire

OITAVA. PRAZO DE PRESENTACIÓN DE PROPOSICIÓNS.

O Concello de Lugo publicará un anuncio de licitación no Boletín Oficial da Provincia de Lugo así como no perfil do contratante do Concello (www.lugo.es)

O prazo de presentación de proposicións será de **quinze días naturais** contados dende a publicación do anuncio de licitación no Boletín Oficial da Provincia de Lugo. No suposto que o último día de presentación das proposicións coincida en sábado ou festivo prorrogarase ó seguinte día hábil.

NOVENA. PRESENTACIÓN DAS PROPOSICIÓNS

As empresas presentarán a súa proposición en tres sobres pechados, asinados polo proponente ou polo seu representante, facendo constar o título do procedemento, nome do licitador, enderezo, teléfono e fax, para os efectos de notificacións. Os ditos sobres denominaranse coas letras coas letras A - Documentación administrativa, B - Proposta técnica relativa ós criterios de adjudicación non avaliados automaticamente e C- Proposición económica e relativa a criterios avaliados automaticamente,

Os sobres de que consta a proposición presentaranse, durante o prazo sinalado na cláusula oitava, antes sinalada, no Rexistro Xeral do Excmo. Concello de Lugo, en horario das 9 ás 14 horas (de luns a venres) ou enviadas por correo. No suposto que o último día de presentación das proposicións coincida en sábado ou festivo prorrogarase ó seguinte día hábil.

Cando as proposicións se envíen por correo, o empresario deberá xustificar a data de imposición do envío e anunciarlle ó órgano de contratación a remisión da oferta mediante télex, telegrama ou fax no mesmo día. Sen a concorrencia de ambos os dous requisitos, non será admitida a proposición se é recibida polo órgano de contratación con posterioridade á data de remate do prazo sinalado no anuncio. Transcorridos, non obstante, 10 días naturais seguintes á dita data sen se recibir a proposición, esta non será admitida en ningún caso

DÉCIMA. DOCUMENTACIÓN ADMINISTRATIVA E PROPOSTA ECONÓMICA.

O sobre denominado A, DOCUMENTACIÓN ADMINISTRATIVA, conterá, como mínimo, os seguintes documentos:

- Acreditativos da personalidade do licitador, que poderán ser:

CONTRATAACION E ASUNTOS XERAIS

MLA/atm

Ref^o: pregos subministracion cabina calide do aire

Asunto: pregos subministracion cabina calidade do aire

a) DNI do licitador, se se trata de empresario individual, ou escritura de constituición se se trata dunha sociedade, debidamente inscrita no seu correspondente rexistro.

b) Poder bastantado: os que comparezan ou asinen proposicións representando a outra persoa ou entidade presentarán poder debidamente bastantado pola titular da Asesoría Xurídica do Concello ou por funcionarios do Servizo de Contratación do Concello habilitados para o efecto. Para isto, presentarse orixinal e fotocopia nas oficinas de contratación do Excmo. Concello de Lugo, cunha anterioridade mínima de dous días hábiles ó remate do prazo de presentación das proposicións, das 9,30 ás 14,00 horas, de luns a venres. Se a empresa fose persoa xurídica, o poder deberá estar debidamente inscrito no Rexistro Mercantil.

- Acreditación da solvencia económica, financeira e técnica e profesional polos medios indicados na cláusula sexta deste prego de cláusulas.

- Declaración responsable do licitador na que se faga constar que non se atopa incurso en ningunha das prohibicións para contratar co Concello de Lugo previstas no artigo 49 da LCSP e de que se atopa ó corrente no cumprimento das obrigas tributarias -incluídas tamén co Concello de Lugo- e de Seguridade Social impostas polas disposicións vixentes, sen prexuízo de que a xustificación acreditativa de tal requisito deba ser presentado, antes da adxudicación definitiva, polo empresario a favor do cal se vaia efectuar esta. Cando se trate de empresas de estados membros da Unión Europea ou signatarios do Acordo sobre o espazo económico europeo e esta posibilidade estea prevista na lexislación do Estado respectivo, poderá tamén substituírse por declaración responsable ante unha autoridade xudicial.

O cumprimento das obrigas tributarias estatais pode substituírse por certificacións expedidas pola Axencia Tributaria e respecto ás obrigas coa Seguridade Social mediante certificación expedida pola Tesourería Xeral da Seguridade Social.

- Presentación da alta e, se é o caso, do derradeiro recibo do imposto sobre actividades económicas.

- Xustificante de constituición da garantía provisional, a cal consistirá nun 3 por 100 do presuposto do contrato (**2.586,21 euros**).

CONTRATACION E ASUNTOS XERAIS

MLA/atm

Ref^o: pregos subministracion cabina calide do aire

Asunto: pregos subministracion cabina calidade do aire

Os documentos a que se refire esta cláusula poderán ser orixinais ou presentarse mediante copia autenticada por notario ou pola Xefa do Negociado de Rexistro deste Excmo. Concello.

No caso de que as propostas fosen presentadas por estranxeiros, ademais da anterior documentación, terán que achegar a seguinte:

- Os licitadores estranxeiros de estados membros da Unión Europea ou asinantes do Acordo sobre o espazo económico europeo acreditarán a súa capacidade de obrar mediante a inscrición nos rexistros ou presentación das certificacións que se sinalan no Real decreto 1098/2001, do 12 de outubro.
 - Os licitadores de estados non membros da Comunidade Europea e dos non asinantes do Acordo sobre o espazo económico europeo ademais de acreditar a súa capacidade para contratar e obrigarse conforme á lexislación do seu estado e a súa solvencia económica, financeira, deberán presentar os seguintes documentos:
 - Certificación expedida pola respectiva representación diplomática española na que se faga constar que figuran inscritas no rexistro local, profesional, comercial ou análogo ou, se non, que actúan con habitualidade no tráfico local.
 - Informe de representación diplomática española sobre a condición do estado signatario do Acordo sobre contratación pública da Organización Mundial do Comercio ou, no caso contrario, o informe de reciprocidade.
 - Declaración de sometemento á xurisdición dos xulgados e tribunais españois de calquera orde para a resolución de calquera das cuestións litixiosas que puidesen xurdir durante a formalización e execución do contrato.
- Os licitadores estranxeiros presentarán os documentos que teñan que achegar traducidos de forma oficial en calquera dos idiomas galego ou castelán.

O sobre denominado B, Proposta técnica relativa ós criterios de adxudicación non avaliábles automáticamente, conterá toda a documentación técnica necesaria para a valoración das proposición ofertadas, de acordo cos criterios non valorables automáticamente que se indican na **cláusula décimo segunda relativo á Oferta Técnica apartados B.1 e B.2. deste prego.**

O sobre denominado C, Proposición económica e relativa a criterios avaliábles automáticamente, conterá o seguinte modelo, debidamente cuberto.

Don, con enderezo en e DNI número....., expedido o, en plena posesión da súa capacidade xurídica e de obrar,

CONTRATACION E ASUNTOS XERAIS

MLA/atm

Refⁿ: pregos subministracion cabina calide do aire

Asunto: pregos subministracion cabina calidade do aire

en nome propio (ou en representación de, con DNI ou CIF número, fai constar:

a) Que solicita tomar parte no procedemento convocado para a contratación da **SUBMINISTRACIÓN DUNHA CABINA DE CALIDADE DO AIRE PARA O CONTROL DA CALIDADE DE NIVEIS DE INMISIONS DO AIRE NO CONCELLO DE LUGO.**

b) Propón como prezo do contrato a cantidade de euros mais o IVE (..... euros) resultando un prezo total ofertado de euros.

c) Acepta incondicionalmente cantas obrigas se deriven do prego de cláusulas administrativas particulares e das condicións técnicas, como licitador e como adxudicatario, se é o caso.

d) Reúne todas e cada unha das condicións esixidas para contratar coa Administración.

(Lugar, data e sinatura)

Neste sobre C achegarase a documentación necesaria para a valoración das proposición ofertadas, de acordo cos critérios non valorables automáticamente que se indican na **cláusula décimo segunda relativa á oferta Técnica apartados B.3, B.4 e B.5 destes pregos.**

Deberá incluír así mesmo a documentación indicada no punto 3.3. do prego de prescricións técnicas.

DÉCIMO PRIMEIRA. MESA DE CONTRATACIÓN E APERTURA DAS PROPOSICIÓN

De conformidade co previsto no artigo 295 LCSP a Mesa de Contratación estará integrada por:

PRESIDENTE: Sra Concelleira Delegada da Área de Economía e Emprego.

VOCAIS:

- O Concelleiro Delegado de Medio Ambiente
- Un Concelleiro de cada un dos grupos políticos que forman a Corporación
- Interventor Xeral ou funcionario/a que o substitúa
- A Titular da Asesoría Xurídica do Concello ou funcionario/a que a substitúa.

CONTRATACION E ASUNTOS XERAIS

MLA/atm

Refº: pregos subministracion cabina calide do aire

Asunto: pregos subministracion cabina calidade do aire

SECRETARIO: O xefe do servizo de contratación ou funcionario/a que o substitúa.

O acto público de apertura das propostas técnicas (sobre B) celebrarase ó segundo día natural contado a partires do remate do prazo de presentación de proposicións, procedéndose previamente á apertura e cualificación da documentación administrativa (sobre A). Se dito día coincidise en sábado ou festivo, a apertura realizarase ó seguinte día hábil. O devandito prazo ampliarase, no caso de ser necesario, ata o undécimo día, no suposto de recibirse regulamentariamente o aviso de presentación das proposicións por correo.

Posteriormente, e tras a valoración da documentación contida no sobre B e a proposta de puntuación obtida polos licitadores, convocarase a estes para o acto público de apertura de ofertas económicas (sobre C), tralo cal se producirá a valoración final e realización da proposta de adxudicación por parte da mesa de contratación.

DÉCIMO SEGUNDA. CRITERIOS DE AVALIACIÓN

Os **critérios de adxudicacion** para a selección da empresa adxudicataria serán os seguintes:

A).- Oferta económica: valorarase mediante interpolación lineal decrecente, obtendo a maior puntuación a oferta económica máis baixa e o resto de forma proporcional. **(ata 30 puntos).**

B).- Oferta Técnica: (ata 70 puntos).

A calidade técnica das ofertas valorarase atendendo á asociación dos diferentes aspectos e elementos do contido do prego de prescricións técnicas.

A calidade dos equipos puntuarase no caso de que se cumpran as especificacións que se indican para cada apartado especificamente. É dicir, en cada apartado dos indicados a continuación, se non acadan algunha das especificacións e requisitos mínimos esixidos, ou non se indican na oferta presentada, a puntuación nese apartado será de cero puntos.

Para poder avaliar e pondera-los aspectos relativos á oferta técnica, os 70 puntos máximos desglosarase nos seguintes apartados, coa ponderación que se indica:

B.1.- Calidade da oferta e melloras que se realicen no subministro do apartado 3.1. do prego de prescricións técnicas (24 puntos)

Que se distribue en :Valoraciones positivas na oferta, calidades e melloras que se indican no apartado:

CONTRATAACION E ASUNTOS XERAIS

MLA/atm

Ref^o: pregos subministracion cabina calide do aire

Asunto: pregos subministracion cabina calidade do aire

3.1.1 (ata 11 puntos)

3.1.2 (ata 13 puntos)

B.2.- Calidade da oferta e melloras no subministro do apartado 3.2 do prego de prescripci3ns t3cnicas (24 puntos)

Que se distribue en :Valoraci3ns positivas na oferta, calidades e melloras que se indican no apartado:

3.2.1 (ata 4 puntos)

3.2.2 (ata 3 puntos)

3.2.3 (ata 8 puntos)

3.2.4 (ata 3 puntos)

3.2.5 (ata 2 puntos)

3.2.6 (ata 1 punto)

3.2.7 (ata 3 puntos)

B.3.- Melloras no prazo de mantemento do subministro dos equipos indicados no prego de prescripci3ns t3cnicas (12 puntos)

Incremento na mellora de tempos indicados no apartado 5 do prego t3cnico, na súa totalidade do subministro :

Mellora durante o periodo de garant3a do subministro, que 3 de dous anos :

No primeiro ano, mellora de bimensual a mensual : 4 puntos.

No segundo ano, mellora de trimestral a bimensual : 4 puntos ; de trimestral a mensual : 6 puntos.

Incremento de mantemento f3ra do prazo de garant3a de dous anos :

0,2 puntos por cada mes ata un m3ximo de 2 puntos.

B.4.- Melloras no prazo de garant3a dos equipos ofertados (5 puntos)

Incremento na mellora do prazo de garant3a do subministro , na súa totalidade do subministro, indicado no apartado 5 do prego t3cnico

Por cada mes que incrementa a garant3a : 0,25 puntos

B.5.- Servizo post-venta e de mantemento; Periodo de repostos de material ofertado; Melloras prazo de subministraci3n e execuci3n;Calidade e extensi3n da formaci3n (5 puntos)

Servizo post-venta en Galicia :0,5 puntos.

Servizo de mantemento : 1,0 puntos

Periodo de repostos de material ofertado: por cada ano de incremento dos 5 fixados: 0,20, ata un m3ximo de 1,0 puntos.

Melloras no prazo de subministraci3n : 0,5 puntos .

CONTRATAÇÃO E ASUNTOS XERAIS

MLA/atm

Ref^o: pregos subministración cabina calidade do aire

Asunto: pregos subministración cabina calidade do aire

Formación, calidade e extensión : 0,5 puntos por cada 10 horas de formación, ata un máximo de 2 puntos.

DÉCIMO TERCEIRA. ADXUDICACIÓN PROVISIONAL E DEFINITIVA

1. A adxudicación provisional será efectuada polo órgano competente a proposta da Mesa de Contratación, unha vez obtidos, de ser o caso, os informes técnicos necesarios. Deberá notificárselles ós candidatos ou licitadores e publicarse no B.O.P e no perfil do contratante.

A adxudicación recaerá sobre a proposta que resulte economicamente máis vantaxosa. Poderá declararse deserta a licitación cando non exista oferta ningunha que sexa admisible de acordo cos criterios de adxudicación que figuran nos pregos.

2.- No prazo de quince días hábiles contados dende o seguinte a aquel en que se publique a adxudicación provisional no perfil do contratante e no BOP, o adxudicatario deberá presentar a documentación acreditativa de atoparse ó corrente no cumprimento das súas obrigas tributarias e coa Seguridade Social, así como o xustificante de constitución da garantía definitiva.

3.- A elevación a definitiva da adxudicación producirase dentro dos dez días hábiles seguintes a aquel en que expire o prazo sinalado no parágrafo anterior, de conformidade co artigo 135.4 da LCSP.

4.- O órgano de contratación poderá renunciar á celebración do contrato así como desistir do procedemento de conformidade co establecido no artigo 139 da LCSP.

DÉCIMO CUARTA. FORMALIZACIÓN DO CONTRATO.

A formalización do contrato en documento administrativo efectuarase dentro do prazo de dez días hábiles contados dende o seguinte ó da notificación da adxudicación definitiva, constituíndo dito documento título suficiente para acceder a calquera rexistro público. Non obstante, o contratista poderá solicitar que o contrato se eleve a escritura pública, correndo do seu cargo os correspondentes gastos.

Antes da formalización do contrato a empresa adxudicataria deberá achegar xustificante de aboamento dos gastos de anuncios e do importe dos anuncios e do importe dos impostos, dereitos, taxas, prezos públicos e demais que orixine a licitación e formalización do contrato

CONTRATAION E ASUNTOS XERAIS

MLA/atm

Ref^o: pregos subministracion cabina calide do aire

Asunto: pregos subministracion cabina calidade do aire

No caso de que o contrato fose adxudicado a unha agrupación de empresas, deberán acreditar a súa constitución en escritura pública, dentro do prazo outorgado para a formalización do contrato.

Cando por causas imputables ó contratista non se puidese formalizar o contrato dentro do prazo sinalado, o Concello poderá acordar a súa resolución así como a incautación da garantía provisional que, se é o caso, fose constituída, podéndose adxudicar ó licitador ou licitadores seguintes a aquel, por orde das súas ofertas, contando coa conformidade do novo adxudicatario.

DÉCIMO QUINTA. EXECUCIÓN DO CONTRATO.

1. Os traballos executaranse con estrita suxeición ás cláusulas estipuladas neste prego e no prego de prescricións técnicas aprobado polo Concello e conforme as instrucións que, en interpretación técnica deste, dera ó contratista o responsable do contrato (enxeñeiro de montes do Servizo de Medio Ambiente), o cal terá as facultades sinaladas no artigo 41 da LCSP.

Cando as instrucións fosen de carácter verbal deberán ser ratificadas por escrito, o máis axiña posible, para que sexan vinculantes ás partes.

2. Se durante o desenvolvemento dos traballos se detectase a conveniencia ou necesidade da súa modificación ou a realización de actuacións non contratadas, actuarase na forma prevista nos artigos 194, 195, 202 e 272 da LCSP.

3. Os dereitos e obrigacións dimanantes do contrato poderán ser cedidos a un terceiro sempre que se cumpran os requisitos establecidos no artigo 209 da LCSP e que as calidades técnicas ou persoais do cedente non foran razón determinante da adxudicación do contrato.

4. Faise constar expresamente que a contratación polo adxudicatario da realización parcial do contrato con terceiros estará suxeita ós requisitos establecidos no artigo 210 da LCSP, así como o pagamento a subcontratistas e subministradores deberá axustarse ó disposto no artigo 211 da LCSP.

5.- Os gastos que se deriven dos embalaxes, portes , certificados, etc... serán por conta do adxudicatario.

DÉCIMO SEXTA- RECEPCIÓN DA SUBMINISTRACION

CONTRATAACION E ASUNTOS XERAIS

MLA/atm

Refº: pregos subministracion cabina calide do aire

Asunto: pregos subministracion cabina calidade do aire

O adxudicatario deberá subministrar e instalar os bens obxecto do contrato dentro do prazo de execución establecido na cláusula terceira ou no que fixe o licitador na súa oferta.

A mora do adxudicatario non precisará de previa intimación por parte do Concello.

O adxudicatario non terá dereito a indemnización por causa de perdas, avarías ou perxuízos ocasionados ós bens antes da súa entrega ó Concello.

O xestor da Estación ou que ésta designe poderá inspeccionar os distintos elementos do sistema ofertado, e o adxudicatario verá obrigado a facilitar todo xénero de inspeccións, asemade a aportar, no seu caso, os medios que se precisen para a execución das probas, ensaios, axustes e demais verificacións que se consideren necesarias

Antes da Recepción do Subministro, procederáse á verificación e axuste do aparato, das adaptacións realizadas no mesmo, e todos os equipos, co fin de comprobar o seu funcionamento na forma e condicións previstas, constatando, especialmente, que todo o sistema instalado funciona correctamente.

DÉCIMO SETIMA. GASTOS

Os gastos derivados da contratación e da formalización do contrato (300 euros aproximadamente) serán por conta do contratista adxudicatario.

Encontrarase así mesmo obrigado, se fose necesario, ó pagamento de tódolos xéneros de tributos estatais, locais e autonómicos e a solicitar a concesión das autorizacións e licencias que lle fosen necesarias das administracións ou organismos públicos ou privados, sendo da súa conta as xestións e gastos que se ocasionen.

DÉCIMO OITAVA. CUMPRIMENTO DAS OBRIGAS SOCIAIS E LABORAIS

- O contratista estará obrigado a cumprir as disposicións vixentes en materia de protección da industria.

- O contratista está obrigado, igualmente, a cumprir as disposicións vixentes en materia laboral, de Seguridade Social e de seguridade e hixiene no traballo.

CONTRATACION E ASUNTOS XERAIS

MLA/atm

Refⁿ: pregos subministracion cabina calide do aire

Asunto: pregos subministracion cabina calidade do aire

- O contratista comprométese a adoptar as medidas necesarias, tanto de carácter técnico como organizativo que garantan a seguridade dos datos que lles sexan facilitados ou ós que teñan acceso co fin de evitar a súa alteración, uso inadecuado, perda, tratamento e acceso non autorizado e a gardar sxiilo e segredo profesional aínda despois de rematar a relación co Concello de Lugo.

Para o cumprimento da Lei 31/1995, do 8 de novembro, de prevención de riscos laborais, a empresa deberá de achegarlle ó Gabinete de Prevención de Riscos laborais do Concello con carácter previo ó inicio da prestación de que se trate a seguinte documentación:

1.- Xustificación da modalidade de desenvolvemento da actividade preventiva na empresa.

a) No suposto de que esta concertase un servizo de prevención alleo, deberá presentar certificación del, comprensiva das especialidades concertadas e vixencia do concerto.

b) No suposto de que sexa membro dun servizo mancomunado, deberá presentar a acta da súa constitución.

c) Se existe un traballador designado, haberá de indicarse o seu nome, así como a súa aceptación.

2.- Certificación de que a avaliación e plan de acción están feitas ou en procedemento, así como acreditar que foi realizada a información e formación dos traballadores, ou ben que se está realizando.

3.- No caso de que a empresa contratista subcontrate todos ou parte dos traballos con outras empresas, estas deberán de achegarlle a documentación esixida ó contratista principal, e este será responsable en caso de non levalos a cabo.

4.- En todo caso o Concello, en calquera momento durante o prazo de vixencia do contrato, poderá solicitar da empresa contratista ou subcontratista os requisitos legalmente establecidos na lexislación de prevención de riscos laborais.

5.- No caso de non achegar a dita documentación, non poderá realizarse a contratación. E no mantemento de tales requisitos durante o prazo de vixencia do contrato dará lugar á súa rescisión sen que iso xere ningún tipo de indemnización a favor da empresa.

CONTRATAACION E ASUNTOS XERAIS

MLA/atm

Refⁿ: pregos subministracion cabina calide do aire

Asunto: pregos subministracion cabina calidade do aire

O incumprimento destas obrigas por parte do contratista ou a infracción das disposicións sobre seguridade por parte do persoal técnico designado por el non implicará responsabilidade ningunha para a Administración contratante.

O contratista está obrigado a manter vixente, durante a vixencia do contrato, unha póliza de seguros que cubra a súa responsabilidade civil

DÉCIMO NOVENA. RESPONSABILIDADE DO ADXUDICATARIO E OBRIGAS ESPECIAIS

O adxudicatario asumirá a total responsabilidade da execución do contrato fronte ó Excmo. Concello de Lugo, axustándose estritamente a este prego, ó prego de condicións técnicas e demais aspectos contractuais, así como o previsto no LCSP e calquera outra normativa aplicable.

O persoal propio da empresa adxudicataria non terá vinculación laboral, administrativa nin de calquera outra modalidade co Excmo. Concello de Lugo.

Para os efectos da responsabilidade que puidese derivarse para o adxudicatario por danos fronte a terceiros, por causa imputable á empresa ou a calquera dos seus elementos adscritos ó contrato, presentarase, previamente á formalización do contrato administrativo, seguro de responsabilidade civil para a cobertura dos riscos que puidesen derivarse da relación contractual co Excmo. Concello de Lugo.

Malia o anterior, o contratista non será responsable dos danos e perdas ocasionados cando sexan consecuencia dunha orde directa da Administración.

VIXÉSIMA. PAGAMENTO

O pagamento efectuarase contra factura, unha vez efectuados os controles regulamentarios correspondentes e conformadas polo enxeñeiro de montes do Servizo de Medio Ambiente, o Concelleiro Delegado da Área de Medio Ambiente así como polo Concelleiro Delegado da área de economía, emprego.

VIXÉSIMO PRIMEIRA. EXTINCIÓN DO CONTRATO

Ademais de polo seu cumprimento, o contrato poderá extinguirse polas causas previstas nos artigos 206 e 284 da LCSP, así como polo incumprimento por parte do adxudicatario das obrigas sinaladas nas condicións técnicas deste contrato.

A Administración estará facultada para proceder á resolución do contrato polas causas sinaladas no parágrafo anterior e cos efectos previstos nos artigos 207, 208 e 275 da LCSP.

CONTRATAÇÃO E ASUNTOS XERAIS

MLA/atm

Refº: pregos subministración cabina calidade do aire

Asunto: pregos subministración cabina calidade do aire

Para os efectos de resolución do contrato incoarase un procedemento contradictorio no que se lle outorgue audiencia ó contratista para os efectos de formulación de alegacións e presentación de cantos documentos estime conveniente en defensa dos seus dereitos.

Lugo, 29 de abril de 2009.

A TÉCNICO DO SERVIZO
DE CONTRATACIÓN

O XEFE DO SERVIZO
DE CONTRATACIÓN

Asdo. Ana Tabarés Martínez

Asdo: Manuel Louzao Aldariz

A N E X O**DATOS:**

EMPRESA:			
ENDEREZO:			
LOCALIDADE:		PROVINCIA:	
PERSOA DE CONTACTO:			
TELÉFONO:		FAX.:	

MODALIDADE DE ACTIVIDADE PREVENTIVA

1º <input type="checkbox"/> CONCERTO CON SERVIZO DE PREVENCIÓN ALLEO OU MUTUA			
NOME:			
ENDEREZO:			
LOCALIDADE:		PROVINCIA:	
PERSOA DE CONTACTO:			

CONTRATACION E ASUNTOS XERAIS

MLA/atm

Refº: pregos subministracion cabina calide do aire

Asunto: pregos subministracion cabina calidade do aire

TELÉFONO:		FAX:	
ESPECIALIDADES CONTRATADAS:			
PERÍODO DE VIXENCIA DO CONCERTO:			

*** XUNTAR O CERTIFICADO DE QUE REALIZOUSE A AVALIACIÓN E O PLAN DE ACCIÓN ASÍ COMO A INFORMACIÓN E FORMACIÓN DOS TRABALLADORES.**

2º **COMO MEMBRO DO SERVICIO MANCOMUNADO**

*** Xuntar a acta de Constitución.**

3º **TRABALLADOR DESIGNADO**

Nome e Apelidos:

Cargo:

NOME EMPRESARIO:

SELO DA EMPRESA

D.N.I.:

FIRMA:

DATA: